

Слу́жба о́бщая
священноиспове́днику Росси́йскому XX ве́ка
еди́ному
ВЕ́ЧЕР

На Го́споди, воззва́х: стихи́ры, глас 1.

Подобен: Прехва́льнии му́ченицы:

Священноиспове́дниче о́тче и́мярек,/ ты во дни гоне́ний на
Це́рковь Росси́йскую/ не убоя́лся еси́ мучи́ телей
безбо́жных/ и, ве́ру Христо́ву испове́дав,/ страда́ния
претерпе́л еси́,/ па́сты же ра́ди, лю́бящая тя,/ благода́тию
Бо́жиею храни́м был еси́ / и в ми́ре почи́л еси́ ./ Те́мже
ны́не, наслажда́ясь ра́дости Небе́сных, // моли́ спасти́ся
душа́ ма́нашим.

Священноиспове́дниче о́тче и́мярек,/ ты в годи́ну безбо́жия
во оте́честве на́шем,/ я́ко и́стинный па́стырь Христо́в,/
любо́вию к Бо́гу распала́ем,/ ве́ру правосла́вную испове́дал
еси́ / и, у́зы темни́чныя и рабо́ты го́рькия/ я́ко благо́е и го́
Христо́во претерпе́в,/ во упова́нии тверд пребы́л еси́ ./
Те́мже ны́не, наслажда́ясь ра́дости Небе́сных, // моли́
спастись душа́ ма́нашим.

Священноиспове́дниче о́тче и́мярек,/ ты, во дни отступле́ния
от ве́ры сро́дников на́ших/ Христу́ ре́вностно после́дуя,/
страда́нием во́льным и испове́данием тве́рдым,/ я́ко
и́стинный па́стырь показа́лся еси́ / и, сло́во Бо́жие
пропове́дав,/ пра́вило ве́ры лю́дем правосла́вным/ и
учи́тель благоче́стия яви́лся еси́ ./ Те́мже ны́не,
наслажда́ясь ра́дости Небе́сных, // моли́ спасти́ся душа́ ма́нашим.

Сла́ва, глас 8:

Испове́дниче сла́вне о́тче и́мярек,/ ты на Бо́га все упова́ние
возложи́л еси́ / и Той́тя просла́ви во Ца́рствии Небе́сном,/
иде́же со сро́дники на́шими,/ новому́ чени́ки и испове́дники
Росси́йскими,/ ве́рою, наде́жду и любо́вию Ему́
угоди́вшими,/ прославля́еши Отца́, и Сы́на, и Свята́го
Ду́ха, // Тро́ицу Еди́носущную и Неразде́льную.

И ны́не, Богоро́дичен: Ца́рь Небе́сный:

Вход. Проки́мен дне. Чте́ния три преподо́бническая.

На стихо́вне стихи́ры, глас 4.

Подобен: Я́ко до́бля:

Я́ко благи́й раб и ве́рный,/ вве́ренный ти тала́нт
благоче́стия/ испове́данием Христа́ преумно́жил еси́,/ /
те́мже в ра́дость Го́спода вшел еси́ / и, ве́лие дерзнове́ние от
Него́ восприем,/ мо́лишися о земли́ на́шей // и о ве́роу
чтущих па́мять твою́ .

Стих: Бог мой еси́ Ты, // и испове́мся Тебе́ .

Егда́ прииде́ Госпо́дь испытати лю́ди Своя́, / блаже́нна ты
раба́ и бдя́ща обре́те,/ священноиспове́дниче и́мярек
всече́стне,/ не ктому́ раба́, но дру́га нарече́ ты,/ и, я́ко

ве́рнаго стра́жа до́му Своего́ ,/ над мно́гими ты поста́ви// и
дарова́ моли́ твенника те́пла о душа́х на́ших.

Стих: отве́рзите мне́ врата́ пра́вды, // вше́д в ня, испове́мся
Го́сподеви.

Помина́я сло́во Госпо́дне: / несть раб бо́лий го́спода своего́ ,/
а́ще Мене́ изгна́ша и вас иждену́т, / гоне́ния и страда́ния за
Христа́ любви́ ради претерпе́л еси́ . / Те́мже, блаже́нства
изгна́нных пра́вды ради сподо́бился, / любви́ соверше́нная
досто́гл еси́ , // свяще́нноиспове́днице о́тче и мярек.

Сла́ва, глас 6:

Прииди́ те, вси ве́рнии, / досто́йно воспои́м па́стыря
сла́внаго, / сей бо, по́дви́г страда́ния и испове́дничества
соверши́в / и последи́ благоче́стно пожи́в, / Бо́гу в ми́ре
ду́шу предал еси́ / и отсу́щих зде к ве́чным жили́щем
преста́вился еси́ , / иде́же мо́лится о душа́х на́ших.

И ны́не, Богоро́дичен: Творе́ц и Изба́витель:

Тропа́рь, глас 2:

Свяще́нноиспове́днице о́тче и мярек, / во дни гоне́ний
безбо́жных на Це́рковь Ру́сскую / поноше́ния, заточе́ние,
изгна́ние и го́рькия рабо́ты / Христа́ ради претерпе́л еси́ , / и
ни́что же разлучи́ ты от любви́ Бо́жия. / Та́же, благоче́стно в
ми́ре пожи́в, / свиде́тельствовал еси́ Го́спода Иису́са
Христа́ , // Его́ же моли́ спасти́ ся душа́ м на́шим.

НАУ́ТРЕНИ

На Бог Госпо́дь: тропа́рь то́йже.

По 1-м стихосло́вию седа́лен, глас 4:

К Бо́гу Вы́шнему воззва́л еси́ , / свяще́нноиспове́днице
досто́чудне и мярек: / поми́луй мя, Го́споди, / я́ко врази́
нече́стии попра́ша мя, / и изба́ви ду́шу мою́ от сме́рти, /
о́чи от слез и но́зе от поползнове́ния, / да благоугожду́ пред
Тобо́ю во све́те живы́х.

Сла́ва, и ны́не, Богоро́дичен:

Стена́ непобеди́мая лю́дем правосла́вным еси́ , Богоро́дице
Де́во, / к Тебе́ бо притека́юще, невреди́ми пребыва́ем, / и
па́ки согреша́юще, и мамы́ Тя Моли́твенницу. / Тем,
благодаря́ще, вопие́м Ти: / Ра́дуйся, Благода́тная, Госпо́дь с
Тобо́ю.

По 2-м стихосло́вию седа́лен, глас 4:

Егда́ непра́веднии оболга́ша ты́ и кня́зи лю́дстии ра́нам
жесто́ким преда́ша, / ты́, свяще́нноиспове́днице и мярек, на
Бо́га упова́я, моли́лся еси́ : / Го́споди, Го́споди, кто подо́бен
Тебе́ , / испове́мся Тебе́́ в се́рдце мое́м, / и язы́к мой
поучи́тся пра́вде Твое́й, весь день хвале́ Твое́й.

Сла́ва, и ны́не, Богоро́дичен:

О, Всепе́тая Богоро́дице Влады́чице, му́чеников испове́дание
и ве́нче, / А́нгелы сла́вимая и челове́ки воспева́емая, / и
всего́ ми́ра возжеле́нная Помо́щнице, / изба́ви Це́рковь
Ру́сскую вся́каго обстоя́ния, / Еди́на Благосло́венная.

Велича́ние:

Велича́ем тя, / священноиспове́днице и́ мярек, / и чтим святу́ю па́мять твою́, / ты бо мо́лиши за нас // Христа́ Бо́га на́шего.

Псалом избра́нный:

1-й лик: Испове́мся Тебе́, Го́споди, всем се́рдцем мои́м о ми́лости Твоей и и́стине Твое́й.

2-й лик: Госпо́дь Помо́щник мой, на Него́ упова́ се́рдце мое́, и испове́мся Ему́.

1-й лик: Глаго́лах о свиде́ниях Твои́х пред ца́ри и не стыдя́хся.

2-й лик: Испове́мся и́мени Твоему́, Го́споди, я́ко бла́го, я́ко от вся́кия печа́ли изба́вил мя еси́.

1-й лик: На Бо́га упова́х, не убою́ся, что сотвори́т мне челове́к.

2-й лик: Изведи́ из темни́цы ду́шу мою́ испове́даться и́мени Твоему́.

1-й лик: Поноше́ния понося́щих Ти нападо́ша на мя.

2-й лик: От бездн земли́ па́ки возве́л мя еси́, и́бо аз испове́мся Тебе́ в лю́дех, Го́споди.

1-й лик: Весели́теся, пра́веднии, о Го́споде и испове́дайте па́мять святы́ни Его́.

2-й лик: Да испове́дятся Тебе́, Го́споди, вся дела́ Твоя́.

По полиеле́ и седа́лен, глас 4:

Я́ко и́стинный служи́тель Це́ркве Бо́жия, сла́вне и́ мярек, / страда́ния и гоне́ния от безбо́жных в земли́ на́шей да́же до конца́ претерпе́л еси́ / и по сих, в ми́ре благоче́стно пожи́в, / Христа́ небоязненне испове́дал еси́. / Ны́не же, во Ца́рствии Бо́жии наслажда́йся жи́зни ве́чныя, / моли́ спасти́ся душа́ ма́на шим.

Сла́ва, и ны́не, Богоро́дичен:

Недви́жимое утвержде́ние ве́ры / и спасе́ние душ ма́ших, / Богоро́дицу пе́сньми велича́им, ве́рнии: / ра́дуйся, Правосла́вия Огражде́ние, / ра́дуйся, земли́ Ру́сския Покро́ве, / ра́дуйся, Неве́сто Неве́стная.

Степе́нна, 1-й антифо́н 4-го гла́са. Проки́мен, глас 4:

Свяще́нницы Твои́ облеку́тся в пра́вду // и преподо́бнии Твои́ возра́дуются. Стих: Что возда́м Го́сподеви́ о всех, я́же воздаде́ ми? Вся́ кое дыха́ние: Ева́нгелие от Луки́, зача́ло 64.

По 50-м псалме́ стихи́ра, глас 6:

Егда́ в гоне́нии боле́зны сме́ртныя одержа́ша тя, / священноиспове́днице Христо́ви и́ мярек, / ве́ры правосла́вныя не отступи́л еси́ / и Бо́га ре́вностне прославля́л еси́, / И́же и воздаде́ ти вене́ц пра́вды, // я́ко побо́рнику необори́му. Ка́но́н, его́ же краегра́нские кроме́ Богоро́дичнов осми́пе́сен:

Кре́пость моя́ и пе́ние мое́ Госпо́дь. Глас 5.

Песнь 1

Ирмо́с: Ко́ня и вса́ дника в мо́ре Чермно́е, / сокруша́й
бра́ни, мы́щцею вы́сокою / Христо́с истра́се, Изра́иля же
спасе́, // побе́дную пе́снь пою́ща.
Кре́стною си́лою укрепля́ем, / изгна́ния многоле́тняя
претерпе́л еси́, / глад и хлад нивочто́ же вменя́я, любо́вию к
Бо́гу пламене́л еси́. / Те́мже, и мярек, священноиспове́дник
сла́вный явился еси́.
Ру́сская Це́ркве па́стырь до́брый быв, / поруга́ния,
насмея́ния и лжесвиде́тельства претерпе́л еси́ / и безбо́жники
кро́тостию и смире́нием обличи́л еси́, / страда́льче
изря́дней, и мярек.
Во испове́дание веры, я́ко в броню́ кре́пкую, обле́кся еси́,
и мярек, / и, во́ин Христо́в непобеди́мый я́вляясь, / сло́вом
Бо́жиим, я́ко мече́м обоюдоо́стрым, враги́ посрами́л еси́.
Богоро́дичен: Разреши́ся кля́тва, печа́ль преста́, /
Благослове́нная бо и Благода́тная Отрокови́ца ве́рным
Ра́дость поро́ди, / Христа́ Бо́га на́шего.

Песнь 3

Ирмо́с: Водрузи́вый на ничесо́мже зе́млю повеле́нием
Твоим / и пове́сивый неодо́лжимо́ тяготе́ющую / на
недви́жимем, Христе́, ка́мени за́поведей Твои́х // Це́рковь
Твою́ утверди́, Еди́не Бла́же и Человеколю́бче.
Пра́ведных ду́ши в руце́ Бо́жией, / и не прико́снется их
му́ка, / си́ми словесы́ укрепля́ем, и мярек крепкоду́шне, /
теле́сная страда́ния му́жественне́ претерпе́л еси́ / и о́браз
испове́дания ве́ры сы́новом ру́ским яви́л еси́.
Огради́ вся си́лою кре́стною, и мярек, / страда́ния и изгна́ния
от безбо́жных претерпе́л еси́ / и, ве́ру непоро́чно сохрани́в, /
в ми́ре благоче́стне пожи́л еси́. / Сего ра́ди и вене́ц пра́вды
от Христа́ Подвигополо́жника прия́л еси́.
Смути́ся земля́ Ру́сская, / я́ко опустоши́ю беззакóние
ве́лие, / ты же, и мярек великоимени́те, по́двиги
испове́дничества благоуха́я, / я́ко крин се́льный посреде́
пусты́ни, процве́л еси́.
Богоро́дичен: И́же от Отца́ пре́жде всех век ро́жде́на, / Ты,
Ма́ти Бо́жия, неискусому́жно роди́ла еси́. / Те́мже Тя вси,
Богоро́дицу, правосла́вно испове́дуем.
Седа́лен, глас 3:
Ненави́дящая Го́спода посрами́л еси́, / и́же хотя́ ху́тя,
священноиспове́днице и мярек, Христа́ отлучи́ти и сме́рти
преда́ти. / Ты же, к Бо́гу ум твой впе́ри в, / я́ко птица, се́ти
ловя́щих изба́вился еси́ / и в кро́вы Небе́сныя возлете́л
еси́. / иде́ же, в ли́це новому́чеников и испове́дников
Росси́йских пребыва́я, / мо́лишися о спа́сении ду́ш на́ших.
Сла́ва, и ны́не, Богоро́дичен:
Ки́йждо, иде́ же подви́зается, усе́рдно к Тебе́ притека́ет,
Богоро́дице, / несть бо ино́го Прибе́жища, спаса́ющего ду́ши
на́ша, я́ко Ты, Всепе́тая.

Песнь 4

Ирмо́с: Боже́ ственное Твое́ разуме́ в истоща́ние / прозорли́во
Авваку́м, Христе, со тре́петом вопия́ше Тебе́ : / во спасе́ние
люде́й Твои́х // спасти́ пома́занныя Твоя́ прише́л еси́ .
Терпе́нием воору́жи вся, поте́кл еси́ на предлежа́щий ти
по́дви́г, священноиспове́дниче и́ мярек, / и, преще́ния
мучи́телей не убо́я́вся, / непоколеби́м пребы́л еси́ , егда́
смуди́ся Ру́сская земля́ .

Мал бе в бра́тии твое́й, я́коже и Дави́д в ро́де свое́м, / оба́че
избра́тя Госпо́дь, священноиспове́дниче и́ мярек, / на
па́стырское де́лание и свиде́тельство сло́ва Бо́жия.

Обле́клся еси́ в свяще́нныя оде́жды, о́тче и́ мярек, / я́же в
по́двиге испове́дания невреди́мы сохрани́л еси́ , / те́мже,
вше́д в черто́г Небе́сный, / зри́ши Лице́ Све́та

Непристу́паго.

Богоро́дичен: Невмести́маго во вре́ме прие́мши, / без боле́зни
родила́ еси́ , Всенепоро́чная Ма́ти, / и по рождестве́ Де́ва
Нетле́нна пребы́ла еси́ .

Песнь 5

Ирмо́с: Оде́йся Све́том, я́ко ри́зую, / к Тебе́ у́треннюю и
Тебе́ зову́ : / ду́шу мою́ просвети́ омраче́нную, Христе́ , //
я́ко Еди́н Благоутро́бен.

Я́ко сын дне, во све́те заповедей Христо́вых па́ству ходи́ти
учи́л еси́ , о́тче и́ мярек, / и ду́шу твою́ по́двигом
испове́дания освяти́л еси́ , / ны́не же по́чести по́дстоя́нию
от земны́х прие́млеши.

Изведе́тя на по́дви́г Госпо́дь, / егда́ лю́ди росси́йстии
отступи́ша Це́ркве Христо́вы, / и́мже я́ко свети́льник ве́ры
яви́лся еси́ , / темни́цы смра́дныя и рабо́ты лю́тыя
претерпева́я.

Пре́жде да́же не приити́ дню Госпо́дню вели́кому и
стра́шному, / но́щь безбо́жия све́том за́поведей Христо́вых
просвеща́л еси́ , / дни лука́выя испове́данием тве́рдым
изоблича́я.

Богоро́дичен: Пра́вду и Избавле́ние нам ро́ждши, Христа́ , без
се́ мене, / естество́ пра́отца от кля́твы свободи́ла еси́ ,

Богоро́дице.

Песнь 6

Ирмо́с: Неи́стовствующееся бу́рею душе́тле́нною, / Влады́ко
Христе́ , страсте́й мо́ре укроти́ / и от тли возведи́ мя, // я́ко
Благоутро́бен.

Егда́ бу́ря гоне́ний Це́рковь Ру́сскую одержа́ше, / ты,
и́ мярек блаже́нне о́тче, я́ко па́стырь и́стинный, /
утвержде́ние и по́мощь от Го́спода прие́м, / во́лны
многомяте́жныя невреди́мо преше́л еси́ .

Не уразуме́ша безбо́жнии мучи́тели, / ка́ко за Христа́
стра́ждеша, о́тче и́ мярек, / и в по́двиге твоéм Го́спода
испове́дуеши. / Сего́ ра́ди и осуди́шася.

Испо́лнися на тебе́ глаго́л Христо́в, а́ще Мене́ изгна́ша и
вас иждену́т./ Те́мже, угото́вав ду́шу твою́ во искуше́ние,/
мно́гая страда́ния, поноше́ния и ско́рби претерпе́л еси́.
Богоро́дичен: Испо́лнися на Тебе́ проро́чество Сimeóново/ и
ору́жие про́йде ду́шу Твою́, / те́мже му́чеником и
испове́дником Стена́ Неруши́мая и По́мощь при́сно
быва́еши, Богома́ти.

Конда́к, глас 2:

Я́ко звезда́ но́вая Це́ркве Ру́сская яви́лся еси́, /
терпеливоду́шне и мярек священнойиспове́днице, / Христа́
Бо́га прославля́я/ и в но́щи безбо́жия путь ве́рным указа́я./
Те́мже мо́лим тя: / моли́ нам, сро́дником твои́м, / в ве́ре
Правосла́вней утверди́тися// и спасти́ся ду́шам на́шим.

И́кос:

Даждь ми сло́во, Сло́ве Бо́жий, / по досто́янию восхвали́ти
по́двиги до́бляго и мярека, / но́ваго священнойиспове́дника, в
земли́ Росси́йстей возсия́вшаго, / в страда́ниях терпели́ваго и
в благоче́стии кро́ткаго, / Небе́сным лико́м сопричте́ннаго, /
иде́же ны́не Триа́да Бо́га воспева́ет и мо́лит
непреста́нно/ нам, сро́дником его́, / в ве́ре Правосла́вней
утверди́тися/ и спасти́ся ду́шам на́шим.

Песнь 7

Ирмо́с: Превозноси́мый отце́ в Госпо́дь/ пла́мень угаси́,
о́троки ороси́, / согла́сно пою́щия:// Бо́же, благослове́н еси́.
Егда́ посети́ Госпо́дь зе́млю Ру́сскую мно́гими испыта́нии
греха́ ради на́ших, / тогда́ яви́л еси́ тве́рдость в по́двиге
твое́м, отче́ сла́вне, / испове́данием ве́ры Христо́вы пла́мень
безбо́жия угаша́я.

Му́жеством и кре́постию ду́шу твою́ украси́в, / ве́рность
Христу́ в житии́ твоём сохрани́л еси́ / и, мно́гая ско́рби
претерпе́в, ве́чнаго поко́я дости́гл еси́, / иде́же
прославля́еши Бо́га оте́ц на́ших.

Отложи́ в страх муче́ния, к по́двигу испове́дания
му́жественне устреми́лся еси́, отче́, / Христа́ еди́наго
возжеле́в, / Ему́ же ны́не пое́ши: / благослове́н еси́, Бо́же
оте́ц на́ших.

Богоро́дичен: Бо́га пло́тию родила́ еси́, Всенепоро́чная, /
Еди́наго от Тро́ицы, / Ему́ же вси пое́м: / Бо́же, благослове́н
еси́.

Песнь 8

Ирмо́с: Тебе́, Вседе́телю, / в пе́щи о́троцы, всеми́рный лик
спле́тше, по́яху: / дела́вся кая, Го́спода по́йте// и
превозноси́те во вся ве́ки.

Его́ же о́троцы в пе́щи испове́даша, / Того́ и ты в пла́мени
страда́ний пред мучи́тели просла́ви, науча́я ве́рных
взыва́ти: / да благослови́т земля́ Ру́сская Го́спода/ и
превозно́сит во вся ве́ки.

Го́ спода испове́ дайте, я́ ко Благ, / – поуча́ л еси́ псало́ мски,
о́ тче и мярек, / и Той поспеши́ т сыново́ м ка́ ющимся на
спасе́ ние, / Благослове́ нный во ве́ ки.

Отца́ , и Сы́ на, и Ду́ ха Свята́ го житие́ м твои́ м испове́ дал
еси́ , свя́ те, / помози́ и нам по́ двигом до́ брым подвиза́ ться, /
тече́ ние жи́ зни соверши́ ти и ве́ ру непоро́ чну сохрани́ ти.

Богоро́ дичен: Тя, Богоро́ дицу Пречи́ стую, / па́ че ума́ и
словесе́ ро́ ждшую Го́ спода и при́ сно де́ вствующую, /
благослови́ м и превозно́ сим во вся ве́ ки.

Песнь 9

Ирмо́ с: Иса́ ие, лику́ й, / Де́ ва име́ во чре́ ве и роди́ Сы́ на
Емману́ ила, / Бо́ га же и Члове́ ка, / Восто́ ки́ мя Ему́ , //
Его́ же велича́ юще, Де́ ву ублажа́ ем.

Сла́ ву во испыта́ ниих еди́ ному Бо́ гу возда́ л еси́ , /
испове́ дниче Христо́ в приснопа́ мятне, / сего ра́ ди и Той тя / в
ли́ це новому́ чеников и испове́ дников Росси́ йских просла́ ви.

Процвете́ Це́ рковь на́ ша новому́ ченики и испове́ дники
Росси́ йскими, / не отри́ ну бо́ Госпо́ дь лю́ ди Своя́ . / Ты же,
священноиспове́ дниче сла́ вный, вку́ пе с ни́ ми пребыва́ я, /
мо́ лиши сохрани́ ться ве́ ре Правосла́ вней в земли́ на́ шей.

Ору́ жием благоволе́ ния венча́ тя Госпо́ дь, /
священноиспове́ дниче о́ тче и мярек, / и́ мже и нам на враги́
неви́ димыя спобо́ рствуй / и моли́ Христа́ Бо́ га сохрани́ ться
ве́ ре Правосла́ вней в земли́ на́ шей.

Богоро́ дичен: С новому́ ченики и испове́ дники Росси́ йскими,
Пречи́ стая, и все́ ми святы́ ми / умоли́ Еди́ наго во святы́ х
Почива́ ющаго / сохрани́ ти зе́ млю на́ шу, славосло́ вящую Тя во
вся ве́ ки.

Свети́ лен:

Светода́ вец Христо́ с Бог наш, исхо́ ды у́ тра и ве́ чера
украси́ вьй, / Све́ та Невече́ рняго тя, священноиспове́ дниче
и мярек, сподо́ би. / Те́ мже, во све́ тлостех святы́ х пребыва́ я, /
и нас све́ том незаходи́ мым просвети́ , / да, в ра́ дости
лику́ юще, просла́ вим Свет нам Показа́ вшаго.

Сла́ ва, и ны́ не, Богоро́ дичен:

Ди́ вно и неизрече́ нно Рождество́ Твое́ , Богоро́ дице, / И́ мже
спасла́ еси́ род члове́ ческий, / те́ мже мо́ лим Тя: / све́ том
незаходи́ мым нас просвети́ , / да, в ра́ дости лику́ юще,
просла́ вим Свет нам Показа́ вшаго.

На хвали́ тех стихи́ ры, глас 6.

Подобен: Все отло́ жше:

Благода́ тию свы́ ше облече́ нный, / священноиспове́ дниче
и мярек, / я́ ко и́ стинный па́ стырь Христо́ в, / в ве́ ре
Правосла́ вней непоколеби́ м пребы́ л еси́ / и, гони́ телей
благословля́ я, глаго́ лал еси́ : / а́ ще и истя́ жете те́ ло мое́ , /
ду́ шу не возмо́ жете разлучи́ ти от любве́ Бо́ жия, / я́ же о
Христе́ Иису́ се Го́ споде на́ шем, / на Него́ же еди́ наго
упова́ ю // и Ему́ еди́ ному возношу́ хвалу́ .

Дре́ вним испове́ дником подо́ бся, / священнойиспове́ дниче
и мярек, / в годи́ ну гоне́ ний на Це́ рковь Ру́ сскую / се́ рдцем
ве́ ровал еси́ пра́ во, / усты́ же Христа́ испове́ дал еси́ во
спасе́ ние / и, ра́ ны нивочто́ же вмени́ в, / о срамоте́
поноше́ ния небре́ гл еси́ . / Те́ мже, безбо́ жных посрами́ в
мучи́ телей, / блаже́ нство в дому́ Госпо́ дни улучи́ л еси́ , //
иде́ же во ве́ ки веко́ в Его́ восхваля́ еши.

Воспой́ м, боголюби́ ви и лю́ дие, / пе́ сньми и пе́ нии
духо́ вными / святу́ ю па́ мять и мярек достохва́ льнаго, / и́ же
Правосла́ вие добропобе́ дным гла́ сом / небоя́ зненно пред
мучи́ тели испове́ да / и мно́ гим путь спасе́ ния показа́ . /
Те́ мже ра́ дуются ны́ не А́ нгельстии чи́ ни / и сликовству́ ют
святи́ и земли́ на́ шея, / с ни́ миже и священнойиспове́ дник
сла́ вный // прославля́ ет Христа́ Бо́ га на́ шего.

Сла́ ва, глас 8:

Сла́ вою и че́ стию нетле́ нною, / я́ ко подвиги́ жника
добропобе́ дна, / венча́ тя Христо́ с Подвигополю́ жник, /
священнойиспове́ дниче Христо́ в и мярек, / и Ца́ рствие
Небе́ сное дарова́ , / иде́ же, с собо́ ром новому́ чеников и
испове́ дников Росси́ йских / в непристу́ пнем све́ те
пребыва́ я, // прославля́ еши Тро́ ицу Живонача́ льную и
Неразде́ льную.

И ны́ не, Богоро́ дичен:

Сра́ дуются с на́ ми у́ мная вся Чи́ нонача́ лия, / духо́ вный
совоку́ пльше лик, / ви́ дяще Цари́ цу и Влады́ чицу всех, /
многoиме́ нне ве́ рными сла́ виму, / ра́ дуются же и ду́ си
пра́ ведных, / су́ щии зри́ телие виде́ ния, / на возду́ се моле́ бно
простира́ ющу всечестне́ и Свои́ ру́ це, / прося́ щу умире́ ния
ми́ ру / и земли́ Ру́ сской утвержде́ ния, // и спасе́ ния душ
на́ ших.

Славосло́ вие вели́ кое. И отпу́ ст.

НА ЛИТУРГИ́ И

Блаже́ нна от кано́ на, пе́ снь 3-я и 6-я.

Проки́ мен, глас 7: Испове́ мся Тебе́́ , Го́ споди, // всем се́ рдцем
мои́ м. Стих: А́ ще пойду́ посреде́ ско́ рби, живи́ ши мя.

Апо́ стол к Ефесе́ ем, зача́ ло 233.

Аллилу́ ия, глас 2: Пра́ веднии испове́ дятся и́ мени Твоему́́ , и
вселя́ тся пра́ вии с лице́ м Твои́ м. Стих: Го́ споди, Го́ споди,
Си́ ло спасе́ ния моего́́ , осени́ л еси́́ над главо́ ю мое́ ю в день
бра́ ни.

Ева́ нгелие от Луки́́ , зача́ ло 64.

Прича́ стен: В па́ мять ве́ чную бу́ дет пра́ ведник:

Моли́ тва

О пресла́ вный и добропобе́ дный священнойиспове́ дниче
Христо́ в и мярек, па́ стырю до́ брый, Це́ ркви Ру́ сския
украше́ ние, земли́ на́ шея до́ брое прозябе́ ние, сро́ дников
твои́ х похвало́ и о́ бразе! Ты, не убо́ явся мучи́ телева
преще́ ния, ве́ ру правосла́ вную небоя́ зненно испове́ дал еси́́

и, боле́зни и страда́ния с любо́вию ко Христу́ претерпе́в,
врата́ми пра́вды в Небе́сное Ца́рство вшел еси́. Те́мже
мо́лим тя: вознеси́ ны не те́плюю моли́тву твою́ ко Го́споду о
Оте́честве на́шем, да утверди́т его́ в ве́ре Правосла́вней до
сконча́ния ве́ка, нас же, чту́щих па́мять твою́, да укрепи́т
спаси́тельные за́поведи Его́ соблюда́ти; да изба́вьшеся от
греха́ и ве́чныя му́ки, вку́пе с тобо́ю сподо́бимся воспева́ти
достопокланя́емое и́мя Отца́, и Сы́на, и Свята́го Ду́ха, во
ве́ки веко́в. А́минь.



**Служба общая священноисповеднику Российскому XX
века единому составлена Синодальной Богослужебной
комиссией и утверждена Святейшим Патриархом
Московским и всея Руси Алексием II и Священным
Синодом 15 апреля 2008 года.**